

DAP tangguh pemilihan parti hingga Ogos 2012
Malaysiakini.com
Disember 14, 2010

DAP menjejaki langkah MCA dan Umno bagi menangguhkan pemilihan kepimpinan parti itu, yang sebelum ini dijadual pada Ogos depan sebagai persediaan menghadapi pilihan raya umum ke-13.

NONESetiausaha Agung DAP Lim Guan Eng berkata keputusan sebulat suara itu dicapai pada mesyuarat Jawatankuasa Eksekutif Pusat DAP yang diadakan malam semalam.

"Kami jangkakan PRU-13 akan diadakan tahun depan serentak dengan pilihan raya Sarawak dan disebabkan itu kami mengambil keputusan untuk menangguhkan pemilihan parti untuk memberi komitmen penuh bersiap sedia dalam menghadapi PRU-13 yang dilihat paling kritikal.

"Justeru, kami akan mengadakan bengkel pilihan raya umum nasional pada 16 Jan ini di Kuala Lumpur sebagai persediaan menghadapi PRU-13," katanya kepada pemberita di lobi Parlimen, hari ini.

Katanya, keputusan itu diambil selepas menimbangkan keputusan penangguhan pemilihan parti yang telah diputuskan oleh Umno dan MCA baru-baru ini, yang memberi petanda jelas bahawa PRU-13 sudah semakin hampir.

Katanya, penangguhan pemilihan parti itu adalah selama setahun dan ditangguhkan sehingga Ogos 2012.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/150756>